

# Z A P I S N I K

sa XIII sjednice Vijeća Građevinskog fakulteta Univerziteta u Sarajevu, održane dana 14.10.2019. godine, sa početkom u 14.00 sati, u sali 8 nastavne zgrade Fakulteta, ul. Patriotske lige br. 30.

## PRISUTNI ČLANOVI:

### Nastavnici:

Dolarević dr. Samir, Skejić dr. Adis, Simonović dr. Goran, Ilić-Georgijević dr. Emil, Imamović dr. Ismar, Milašinović dr. Zoran, Topoljak dr. Jusuf, Vrce dr. Esad, Pozder dr. Mirza, Mulahusić dr. Admir, Milišić dr. Hata, Medić dr. Senad, Mulić dr. Medžida, Hadžić dr. Emina, Mešić dr. Esad, Čerimagić dr. Đenari, Šuvalija dr. Suvada, Balić dr. Anis, Ademović dr. Naida, Albinović dr. Sanjin, Kurtović dr. Azra,

### Saradnici:

Nedim Kulo (G), Damir Hasanspahić (Mat.), Lazović Nerma (H), Džubur Alma (H), Šarić Ammar (S), Mladen Kapor (Kat.za geol.), Medić Jelena (K), Krdžalić Dževad (G).

**Studenti:** Damir Tahirović

## ODSUTNI ČLANOVI:

**Nastavnici i saradnici:** Ibrahimbegović dr. Adnan, Hrasnica dr. Mustafa, Džebo dr. Suada, Ljevo dr. Žanasa, Omićević dr. Džanina, Serdarević dr. Amra, Tuno dr. Nedim, Suljević Samir (K),

**Studenti:** Nizama Drljačić i Izet Nanić,

Na prijedlog dekana usvojen je sljedeći prošireni:

## D N E V N I R E D:

- I Usvajanje Zapisnika sa XII sjednice Vijeća Građevinskog fakulteta, održane 07.10.2019. godine;
- II Elaborat opravdanosti osnivanja Odsjeka za geotehniku;
- III Imenovanje recenzenata za publikaciju «Zbirka zadataka iz otpornosti materijala», autora doc.dr. Gorana Simonovića;
- IV Imenovanje recenzenata za publikaciju «Primjenjena geologija u građevinarstvu», autora prof.dr. Đenarija Čerimagića;
- V Imenovanje recenzenata za publikaciju «Građevinski materijali I» i «Građevinski materijali II», autora prof.dr. Azre Kurtović;
- VI Saglasnost za angažman prof.dr. Amre Serdarević na Fakultetu zdravstvenih studija UNSA i prof.dr. Naide Ademović na Fakultetu za kriminalistiku, kriminologiju i sigurnosne studije UNSA;
- VII Izvještaji Komisija za ocjenu i odbranu završnih radova;
- VIII Molba za naknadni upis na fakultet kandidata Marka Davidovića;
- IX Molba za nastavak studija studentice Emine Hodžić ;
- X Donošenje Odluke o izmjeni i dopuni Odluke o Listi tema završnih radova II (drugog) ciklusa studija studijskog programa geodezije i geoinformatike za školsku 2013./2014. godinu;

XI Saglasnost za potpisivanje ugovora o uključivanju u top tim uslugu BH Telecoma za službene telefone fakulteta;

XII Razno.

#### Ad/I

Na Zapisnik sa XII sjednice Vijeća Građevinskog fakulteta, održane 07.10.2019. godine nije bilo primjedbi, te je isti jednoglasno usvojen.

#### Ad/II

Dekan navodi da su se stekli uslovi da Katedra za geotehniku i geološko inženjerstvo preraste u Odsjek, te je u skladu s tim i sačinjen dostavljeni Elaborat opravdanosti osnivanja Odsjeka za geotehniku.

Prof.Milašinović ističe da bi trebalo da zadržimo matičnu oblast koju smo utvrdili, tako da bi trebalo da bude Odsjek za geotehniku i geološko inženjerstvo.

Dekan ističe da je naziv odsjeka predložen jer fakultet još uvijek nema kapaciteta za geološko inženjerstvo.

Prof.Čerimagić navodi da je i naziv katedre Katedra za geotehniku i geološko inženjerstvo. S tim u vezi i svi certifikati nam glase na oblast geotehnike i geološkog inženjerstva. Pored toga navodi da bi trebalo u Elaborat dodati da rukovodilac odsjeka može biti i neko iz naučne oblasti geotehnike i geološkog inženjerstva.

Vijeće prihvata predložene izmjene te donosi odluku da se usvaja prijedlog za osnivanje Odsjeka za geotehniku i geološko inženjerstvo, radi obavljanja djelatnosti visokog obrazovanja i nauke u oblasti geotehnike i geološkog inženjerstva i usvaja se prijedlog Elaborata o opravdanosti osnivanja Odsjeka za geotehniku i geološko inženjerstvo na Građevinskom fakultetu.

Odluka Vijeća će biti dostavljena Senatu Univerziteta u Sarajevu radi daljnjeg postupanja.

#### Ad/III

Na prijedlog Komisije za izdavačku djelatnost Građevinskog fakulteta, Vijeće je donijelo odluku da se za recenzente publikacije radnog naslova «Zbirka zadataka iz otpornosti materijala», autora doc.dr. Gorana Simonovića, dipl.inž.građ. imenuju se:

- Prof.dr. Mustafa Hrasnica, dipl.inž.građ., redovni profesor Građevinskog fakulteta Univerziteta u Sarajevu;
- Doc.dr. Senad Medić, dipl.inž.građ., docent Građevinskog fakulteta Univerziteta u Sarajevu

Recenzije treba da sadrže podatke utvrđene Pravilnikom o izdavačkoj djelatnosti Građevinskog fakulteta. Recenzenti će recenzije dostaviti Vijeću Građevinskog fakulteta u Sarajevu.

#### Ad/IV

Na prijedlog Komisije za izdavačku djelatnost Građevinskog fakulteta, Vijeće je donijelo odluku da se za recenzente publikacije radnog naslova «Primjenjena geologija u građevinarstvu», autora prof.dr. Đenarija Čerimagića, dipl.inž.geol., imenuju se:

- Dr.sc. Mevlida Operta, dipl.inž.geol., redovni profesor Prirodno-matematičkog fakulteta Univerziteta u Sarajevu;
- Dr.sc. Ferid Skopljak, dipl.inž.geol., vanredni profesor Rudarsko-geološko-građevinskog fakulteta Univerziteta u Tuzli.

Recenzije treba da sadrže podatke utvrđene Pravilnikom o izdavačkoj djelatnosti Građevinskog fakulteta.

Recenzenti će recenzije dostaviti Vijeću Građevinskog fakulteta u Sarajevu.

#### Ad/V

Na prijedlog Komisije za izdavačku djelatnost Građevinskog fakulteta, Vijeće je donijelo odluku da se za recenzente publikacija radnih naslova:«Građevinski materijali I» i «Građevinski materijali II», autora prof.dr. Azre Kurtović, dipl.inž.građ., imenuju se:

- Prof.dr. Muhamed Zlatar, dipl.inž.građ., profesor emeritus Građevinskog fakulteta Univerziteta u Sarajevu;
- Mr. Krešimir Šaravanja, dipl.inž.građ., viši asistent Građevinskog fakulteta Sveučilišta u Mostaru.

Recenzije treba da sadrže podatke utvrđene Pravilnikom o izdavačkoj djelatnosti Građevinskog fakulteta. Recenzenti će recenzije dostaviti Vijeću Građevinskog fakulteta u Sarajevu.

#### Ad/VI

Vijeće je dalo saglasnost:

- 1.) prof.dr. Naidi Ademović za angažman u realizaciji nastavnonaučnog procesa na Fakultetu za kriminalistiku, kriminologiju i sigurnosne studije Univerziteta u Sarajevu u akademskoj 2019/2020.godini za nastavni predmet:
  - Sigurnost urbanih struktura i građevina" u zimskom semestru, sa 2 časa predavanja sedmično;
- 2.) prof.dr. Amri Serdarević za angažman u realizaciji nastavnonaučnog procesa na Fakultetu zdravstvenih studija Univerziteta u Sarajevu u akademskoj 2019/2020.godini za nastavni predmet:
  - "Upravljanje otpadnim materijama" u zimskom semestru, sa 30 časova predavanja po semestru;
  - "Prečišćavanje otpadnih voda" u zimskom semestru, sa 15 časova predavanja po semestru.

#### Ad/VII

Usvojeni su izvještaji komisija za ocjenu i odbranu završnih radova na drugom (II) ciklusu studija za:

- studenticu Odsjeka za konstrukcije Aminu Rastoder;
- studenta Odsjeka za konstrukcije Armina Pašića;
- studenticu Odsjeka za geodeziju i geoinformatiku Dine Šljivo;
- studenta Odsjeka za geodeziju i geoinformatiku Eldina Zahirovića;
- studenticu Odsjeka za hidrotehniku i okolišno inženjerstvo Džene Gorančić
- studenta Odsjeka za hidrotehniku i okolišno inženjerstvo Vladimira Kapetine.

#### Ad/VIII

Vijeće je informisano da se Marko Davidović obratio Vijeću sa Molbom za naknadni upis u prvu godinu prvog ciklusa studija geodezije i geoinformatike u akademskoj 2019./2020. godini.

Cijeneći opravdanost razloga, mogućnosti predviđenu Zakonom o visokom obrazovanju, donesena je odluka da se odobrava Marku Davidoviću naknadni upis u prvu godinu prvog ciklusa studija geodezije i geoinformatike u akademskoj 2019./2020. godini u svojstvu redovnog samofinansirajućeg studenta.

#### Ad/IX

Vijeće je informisano da se studentica Emina Hodžić obratila Vijeću sa Molbom za nastavak studija u 2019./2020. godini, odnosno nastavak školovanja na I ciklusu studija građevinarstva u akademskoj 2019./2020. godini. Cijeneći opravdanost razloga, mogućnosti predviđenu Zakonom o visokom obrazovanju, donesena je odluka da se odobrava studentici Emini Hodžić naknadni upis, odnosno nastavak školovanja na I ciklusu studija građevinarstva u akademskoj 2019./2020. godini.

Nalaže se studentskoj službi da za imenovanu kandidatkinju utvrdi ispunjenost uvjeta za upis u naredni semestar, odnosno II godinu I ciklusa, u skladu sa Pravilima studiranja za prvi ciklus studija na Univerzitetu u Sarajevu, te u skladu s tim izvrši upis u naredni semestar studija studijskog programa građevinarstva na Građevinskom fakultetu.

#### Ad/X

Na prijedlog Odsjeka za geodeziju i geoinformatiku, a zbog prestaka radnog odnosa prof.dr. Slobodanke Ključanin na Građevinskom fakultetu, Vijeće je donijelo odluku da se u Odluci Vijeća Građevinskog fakulteta Univerziteta u Sarajevu broj: 02-1-507-2-1/14 od 01.04.2014. godine u spisku mentora i članova komisija za odbranu završnih radova II (drugog) ciklusa studija studijskog programa geodezije i geoinformatike, mjenja se sastav komisije za ocjenu i odbranu završnog rada studenta Damira Tivanovca, te se umjesto ranije imenovane komisije, imenuje komisija u sastavu:

1. Van.prof. Medžida Mulić, dipl.inž.geod., mentor i član;
2. Doc.dr. Džanina Omičević, dipl.inž.geod., predsjednik,
3. Doc.dr. Esad Vrce, dipl.inž.geod., član.

#### Ad/XI

Dekan upoznaje Vijeće da je od BH Telecoma ponuđena usluga Top tim, odnosno da službeni mobiteli budu uključeni u paket Top tim sluga. Razgovori između članova Top tima su besplatni. Potrošnja članova Top tima bi bila limitirana.

Vijeće je donijelo zaključak da se daje saglasnost dekanu za potpisivanje ugovora o uključivanju u top tim uslugu BH Telecoma dd Sarajevo za službene telefone Građevinskog fakulteta.

U top tim uslugu BH Telecoma dd Sarajevo bit će uključeni službeni telefoni Građevinskog fakulteta sa ograničenim maksimalnim iznosima troškova i to: službeni telefon koji će koristiti dekan (30,00 KM), službeni

telefon koji će koristiti prodekan (30,00 KM), službeni telefoni koje će koristiti rukovodioca odsjeka i katedri (6X15,00 KM), službeni telefon koji će koristiti sekretar (30,00 KM), službeni telefon koji će koristiti tehnički sekretar (30 KM).

Svako prekoračenje limita će korisnik telefona plaćati na blagajni ili će, ukoliko postoji tehnička mogućnost, biti automatski onemogućeno korištenje usluge preko odobrenog limita.

#### Ad/XII

1.) Dekan upoznaje Vijeće da se pravi plan Budžeta za 2020. godinu. Ono što je bitno naglasiti da su svim fakultetima odobreni isti limiti budžetskih sredstava kao i za 2019. godinu. Pri tome oni nisu uzeli u obzir da se uposlenicima fakulteta povećao minuli rad za jednu godinu, kao i da u 2020. godini imamo više napredovanje u viša zvanja, što oboje zahtjeva i dodatna finansijska sredstva. Prema nekoj našoj računici nama bi u 2020. godini moglo nedostajati oko 50.000,00 KM. Prema navodima sa Univerziteta to je još uvijek u pregovorima sa Vladom KS.

Pored toga, plaćanje rada preko norme utvrđene Standardima i normativima također postaje problem, jer je to rad za koji se naknada plaća isključivo iz budžetskih sredstava, i taj dio budžetskih sredstava još uvijek nije odobren.

Mi smo poslali zahtjev za budžetska sredstva i u tome smo izračunali i naknadu za rad preko norme, pa ćemo vidjeti hoće li odobriti.

Po Kolektivnom ugovoru ta naknada se isplaćuje iz budžetskih sredstava, tako da ukoliko i krenu tužbe uposlenika, tu naknadu mogu tražiti samo od osnivača Univerziteta.

Vidjet ćemo kako će se dalje razvijati situacija. U svakom slučaju do daljnjeg se vjerovatno neće isplaćivati naknada za rad preko norme. Najbitnije je da naš fakultet može nesmetano funkcionisati kao i ranijih godina. Na pitanje prof.Milašinovića da li fakultet ima problema sa plaćanjem materijalnih troškova, dekan navodi da je problem u postupcima plaćanja zajedničkih režijskih troškova, jer nadležne službe na Univerzitetu ne znaju kako to uraditi, a da se ispoštuju limiti za materijalne troškove utvrđeni budžetom. Sada ima problema oko plaćanja troškova zajedničke potrošnje gasa, Arhitektonski fakultet plaća po našim fakturama, ali ta sredstva ne idu na našu partiju, nego negdje u budžet, a mi smo potrošili veliki dio budžetskih sredstava predviđenih za te namjene. Sada pokušavamo slati naloge za plaćanje na drugi način, pa ćemo vidjeti hoće li se moći tako realizirati plaćanje.

2.) Prof.Azra Kurtović navodi da se po pitanju koje je bilo na dnevnom redu prošle sjednice Vijeća, a odnosi se na prisustvo studenata na predavanjima, trebaju imati u vidu odredbe Pravila studiranja, koje kažu da su studenti obavezni prisustvovati predavanjima. Stoga moli da Vijeće da smjernice šta raditi već sada u zimskom semestru. Dekan ističe da jeste predviđeno Pravilima, ali da se jako puno vremena troši na prozivanje studenata.

Prof.Emina Hadžić navodi da i ne poznaje sve studente, pa bi ih morala i legitimisati. Prof. Naida Ademović navodi da bi bilo kakvim promjenama u uslovima izlaska na ispit i način ispitivanja morala prethoditi izmjena u sylabusu predmeta. Prof.Milašinović iznosi stav da potpisivanje studenata ima smisla samo na I ciklusu studija.


Dekan navodi da misli da svi profesori trebaju biti autonomni pri utvrđivanju načina predavanja i vođenja evidencije prisustva studenata na predavanjima.

Ali imajući u vidu da je Pravilima studiranja uvedena obaveza evidencije prisustva studenata na predavanjima, te da nevođenje iste, može imati negativne posljedice za fakultet, dekana i predmetnog nastavnika, evidenciju prisustva studenata na predavanjima treba voditi.

Sjednica završena u 14.50 sati.

Zapisnik vodila:

Sabina Bajrić, dipl. pravnik



Bf.02-1-1752-1/19.  
14.10.2019.

DEKAN

Prof.dr. Samir Dolarević, dipl.inž.građ.

